


胡雲峯先生文集





雲峯先生文集序



昔王通氏作中說太史公作鑑論俄而散逸賴通子福疇太史子遷訪而葺之而後二書始傳噫父子相繼尚不免散失而况更世歷代兵燹相仍能保其幸存而不泯乎先世雲峯先

生在宋元間倡鳴朱子正學及門無
慮千所著四書通易通感興詩通等
書梓行於世而太極圖通書通西
銘通五贊通書說甲子配卦圖六文
反對論二體相易論爾雅韻語大學
指掌圖四書辨疑五經會意雲峯華

記講義二百篇文集二十卷名載
志籍俱散無存先君子用光每得片
楮如獲拱璧濬繼輯之凡序記詩文
書啟等類僅得百五十篇邑侯藍公
文綉刊梓未几燬於市火今邑侯慈
溪羅公薦鄉復壽梓傳男璉博訪婺

饒休歛巨室得遺文數十篇以類入
梓而通書西銘二通明經書院小試
錄族儒梅岩先生文石立先生詩集
皆前此未獲而今得者璉亦知所重
矣嗚呼百千萬金之產家所仰給尚
有弗克永保而况遺文匪食匪衣苟

非神物為之守護郡邑賢大夫為之
宗主文獻家為之收藏子孫為之珍
襲其不淪于童幼婢妾之手風雨虫
鼠之所壞者几希此予父子三世之
用心雖不能如史遷福疇之輯而殘
編斷簡之餘特書以告來者

洪武戊辰春正月惠州府教授前崇
陽知縣掌祠孫濬拜書

胡雲峯先生文集目錄卷之一

新溪書堂

贈鶴庵相士四言

和李生

星源八景

錦屏春色

繡水秋波

龍井曉雲



儂岩夜月

北寺昏鐘

西湖水榭

廖塢鶴烟

朱塘鷗雨

題吳桂芳所藏張即之墨跡

拜岳鄂王墓

送張秋輝

嚴先生祠次胡敬存韻

題富山汪王廟

題治平寺

送汪又善之宗文山長

自強齋

題葉氏烈女卷

題揚州瓊花

挽休寧黃秋江先生母

挽句容北邙先生

挽黃陂主簿秋圃趙公

題休寧夏氏雙應堂

挽畢梧山

查氏山居五詠

孝善橋

濠觀亭

霜傑所

深淨軒

內樂室

送董深山有序

贈命卜法術周生

山頭二齊生以迺祖之命來請予許之

二生先往賦六言

贈圖書胡松友

題祈門鄭氏墓

豸花馬

詩餘

和玉湖餞春大酺

贈吳又玄滿江紅

為揚志行壽 水調歌頭

卷之二

文

上梁文

明經書院大成殿上梁文 一 至大庚戌十一月八日

啟

回常州總管聘啟

回汪仲剛

回句容程宰招

明經書院請開講二十二啟

與朱宏齋

與趙昂峯

與趙古淡

與趙植庵

與鄭存齋

與滕山癯

與瑞軒吳公

與戴晉翁

與戴蒼山

與方壺

與戴恕翁

與潛心

與方則齋

與梅村

與較塘

與江古修

與程道大

與朱實軒

與江雪砭

與張西岩

與王太宇

與方玉泉

酬仁靜招書社

請開學會

二月十五日

同玉湖招遊槃阿

代戴荅朱聘

卷之三

碑

彭王廟碑

墓誌

故廣西兩江道宣慰使司都元帥府經

歷馬君墓誌銘

詹氏孺人墓誌銘

金氏孺人墓誌銘

傳

文

節孝王氏夫人

卷之四

箴

床屏

果齋

節齋

牧菴箴為王伯武作

銘

得樂亭

靜室

正心齋

止善齋

自強齋

一心銘

存與堂

并引

頤齋

蘭室銘為張德庸作

賦

十

雞鳴

周氏節婦

太極

辭

送鄒雲樵歌

附錄卷之五上

元史本傳

明經書院賜額緣由

明經書院贍學田碑

雲峯胡先生行狀

家乘

明經書院記

吳澄

明經橋記

汪澤民

明經書院重修記

程敏政

明經書院上梁文

戴晉翁

賀雲峯先生歸教星源啓

胡敬存

刊四書通題辭

張存中

跋雲峯鄉賢祠記後

王仲儀

孝善胡先生謚議

俞洪

孝善胡先生墓誌銘

戴表元

呈雲峯先生上元堯花悞道歌

練伯珪

附錄卷之六下

荅王簿浚書

吳澄

荅雲峯胡先生書

陳定宇

二

上雲峯胡先生書

鄒季友

翻易

簡雲峯胡先生書 論筮

胡敬存

二

送胡雲峯赴道一書院山長詩

方虛谷

寄明經書院山長雲峯詩

唐筠軒

送雲峯歸婺源詩

方虛谷

四書通序

鄧文原

純正蒙求序

文天祐

純正蒙求序

吳遜齋

書雲峯明經書院壁記後

胡梅岩

重芳集序

陳音

胡雲峯先生文集目錄終

雲峯胡先生文集卷之一

詩

新溪書堂詩



溪距漂水都二十五里舊流隘不可以舟關
之始通秦淮故名曰新茂清戴君家其旁浚
詩書之源流善慶之澤蓋深有得於溪之新
者遣其子謁從予學有新得故為之詩以美
茂清益以美謁詩曰
宇胡曰宙古往來今往者不滯來者方新陽



昇於旦帝出乎春日日歲歲新新相因茲水
有溪胡以是名蒙泉不竭坎流不盈前一汲
過後一汲生生相易新新不停戴氏池塘居
溪之際觀水有術於道有契奮學未忘新功
相繼能濯舊見以來新意有子有孫以書以
詩如溪之新朝斯夕斯自強不息慎獨毋欺
新而又新請視茲溪

贈鶴庵相士四言

我相爾鶴風骨卓犖九臯幽漠九霄寥廓爾

性孤潔爾音清徹夜月梅花松梢曉霜鶴亦
相予謂予心古壽當九十伏生衛武我聞而
笑鶴起而舞須臾飛去莫知爾所

和李生詩

行：能遠來匆：輒辭去謂有新知樂乃成
離別苦青春固所欣子當懷深惧菲：弄芳
妍忽：傷遲暮人子三加冠責以為人父牧
心戒外馳回光宜內顧有屈乃有伸何思復
何慮志師能自持氣卒敢輕驚畜極亨天衢

動初闢軋戶青雲第一程出門慎勿誤

星源八景

錦屏春色

方山峩：萬山叢紅：紫：開東風誰遣果
愚倚半空為嫌下界塵埃濛提起韶華千萬
疊移來蜀城炫竒絕千工百巧花自如萬古
一机天不裂

繡水秋波

星源注：從東來透灑鬱北勢欲回水上無

反

風自成穀星溪此觀何竒哉化工妙手元不

露刺破練溪能幾步世間兒女巧已多樓頭

針線月中度

龍井曉雲

華光殿東泉有靈下穴空洞神功真當時忽
見蒼虬精年：簫鼓來相迎五風十雨今年
好靈物不要人祈禱非煙非霧騰清晨五色
祥光煥晴昊

倦岩夜月

誰鑿太陰開四洞
蟾光照破人間夢
靈源千層石髓香
金鷄一唱岩花動
白玉桂遮眠
蒼虬絳花橋下行
青牛我來絕愛
讀書堂石圓
水冷天風秋

北寺昏鍾

日斜一路紅闌干
日落西山蒼翠寒
雲深不見招提處
一聲兩聲起林端
遙度前溪聲欲絕
溪上漁舟撐未歇
衆鳥棲定樹頭雲
一僧歸踏松間月

西湖水榭

蚌城誰築溪之涯
層樓簇排人家
兩岸春風好楊柳
一池霽月芙蓉花
香與清風遠方覺
污泥不染塵不着
小亭紅瞰碧波心
着我中間看飛躍

廖塢鶴煙

一泓香泉流不涸
一洞幽花自開落
夜半月明松上聲
知公乘雲下寥廓
公去不知凡何年
公歸猶認丹爐煙
爐烟已冷春風暄
花流

洞口泉消

朱塘鷗雨

鳴鳳不肯鳴晚周鷗鳥相隨九曲幽星源是
公魯洙泗東池歷々夢中遊一夜水痕高几
許鳥也忘机淡無語朝來晴碧更好看天光
雲影源頭水

題吳桂芳所藏張即之墨跡

張公筆法工奇詭盈丈大書神愈偉飛來峯
頭海日紅伏席岩邊龍象舞巨靈血掌擘太

岳雷推迸火揮電電今見小字又不然層霄

閑雷淡無脚飛花春水滿唾壺家園新笋豐
雪腴故人此餉自不惡况有一斛明月珠吳
君好奇入骨髓我學不成空浪許好待滕光
酌酒來元氣淋漓題辭語

拜岳鄂王墓

有公無此日再拜淚交頤大義君臣重孤忠
天地知鳩毛何太毒龍渡只如斯墳畔休留
檜行人欲芥之

送張秋輝

里有號與五星者張其姓秋輝其字人問其
字之故則曰秋最輝無如月初妍醜無遁形
吾術當如是蓋以自勉也推予命謂八十以
上予以詩贈之

造化妙璇璣誰能測與微萬星皆夜現孤月
最秋輝子術如今少吾年且古稀相期猶未
艾白髮在漁矼

巖先生祠次胡敬存韻

鴻飛冥冥不可弋當時肯入搜羅中暫徃自
為故人屈竟歸不與餘子同眇視富貴意誰
識大關名教功奚窮近來士氣頗卑懦艤舟
祠下歌清風

題富山汪王廟

蚪髯人出鹿歸唐多少英雄失故鄉昔日六
州曾捲土此邦千載尚尊王高陵夜雨鳴弓
劍原廟春風潔豆觴燈火萬家元夕夜誰悲
狐兔滿連昌

題治平寺

二十年前到治平青山歷、記吾曾花因百
五有孤注寺過十三無一僧雲影長昏天外
日榆煙誰換佛前燈新安山水依然在不為
空門管廢興

送汪又善之宗文山長

源流活水看鵝湖諸老曾談太極圖
時非好辨開端無字豈虛無絕絃琴尚遺音
響曜冶金湏正範模學計區、無足問斯文

一脉要人扶

自強齋詩

勵志先湏異衆兒觀乾之象大哉詞莫輕操
几從師樂正是加飡努力時黃卷聖賢宜靜
對青衿城關戒荒嬉晝為夜息何曾息隣屋
鷄鳴正仰思

題葉氏烈女卷

烈女天不載移誥花猶憶被恩時未同異
缺如賓敬共姜守義詩一水星沉秋月

皎半岩松老晚風悲
碣來行實俱名華應為
一流芳勒墓碑

題揚州瓊花

揚州觀裏瓊花樹何代人間得此栽
素質偏宜琳館護靈根
端自玉京來九天甘露曾親
浥三月群芳敢並開
折得一枝春正好綸巾
斜插下瑤臺

挽休寧黃秋江先生母

五十餘年鸞影孤
今時誰謂栢舟無
平生辛

收

苦訓諸子百計甘鮮
養老姑名徹紫霄門外
表德書彤管閩中模
哀榮千古無窮事增美
江山十景圖

挽句容北村先生

孝是人生百行源
先生于此道弥敦
白頭猶作嬰兒慕
青佩咸知師表尊
几十百年紹書種
一方寸地植仁根
霜餘碩果今凋謝
重為斯文憶北村

挽黃陂主簿秋圃趙公

故家人物說新塘文學能傳百世芳圃有寒
香存老菊邑留遺愛美甘棠青燈夜雨藏書
閣綠酒春風戲綵堂明日金溪源上路千人
會葬淚如滂

題休寧夏氏谿堂

几尺墳高手自培終天無復養南陔松楸在
望長興嘆草木無情亦見哀哭裂碧筠雙幹
起淚含紅藥並頭開詩人祇是誇祥瑞孝感
那知心上來

挽畢梧山

族望雲仍姓此村公由科第大其門蚤年璧
水馳英譽方寸春風擁善根身後蠶金書有
種堂中刻木母如存誰將幽德銘千古老筆
當今有違尊

查氏山居五詠

孝善橋

有孝迺有德多善必多祥水面看虹影俯仰
相與長

濠觀亭

魚不知子樂何必濠上觀子樂子自知月白
秋江寒

霜傑所

嚴霜不可欺淒風不能折隱逸傳中人往
皆豪傑

深淨軒

淨不污泥染清無片塵侵外直丈夫節中虛
君子心

止

內樂室

我有安樂窩春風方寸地收拾早歸來此中
有深味

送董深山有序

山深之號蓋有取于良止而求深于斯道
者也一日訪予明經敢發此意題于諸咏
卷之尾其再拜

遠林無限春意幽谷自涵太空行到水源窮
處猶聞鷄犬雲中

洞口桃花易見源頭活水難尋欲知雲盡不
盡湏到山深更深

贈命卜法術周生

非相自無：相憑君自相方塘心事源頭活
水相如雲影天光

山頭二齊生以迺祖之命來請予許
之二生先往賦六言

二生芒鞋去：老子風袂悠々有約相隨花
外定湏同到山頭

贈圖書胡松友

我有養生四印從渠 雙傳推出一窻明月
梅花枝上先天

題却初門鄭氏墓

參天獨秀几經春拜墓曾玄數百人隔隴不
知誰氏塚斷煙荒草卧麒麟

咸陽煨燼已成空猶有遺書積半窻几度夕

陽岡上落却疑餘焰一星紅

石牛長卧北溪邊飢不青藜渴不泉好倩六

丁鞭策起江南多少未耕田

豨花馬

望夷宮裏失天真走入桃源避虐秦背上落
紅吹不起至、猶帶武陵春

詩餘

和玉湖餞春大酺

我欲箋天、無語渺、誰司喉舌回看山色
好有清池似玉一觴堪潔却笑几載京華嬌
花媚柳攪動風情如熟何如槃阿裏自川原

晝錦石在晴雪更醉裏賔酬花邊吟嘯妙詞
稱絕友鶯聲切、歌伐木怎賦騷中鳩最

好是靜中佳興眼底繁英四時春在那曾別
笑殺渠痴曉鍾未動眼無交睫賞心處長娛
悅花開有謝休問先天康節畫梁燕應解說

贈吳又玄滿江紅

吳又玄得其伯父子雲太博易學游戲玄
折字間論人窮達貴賤累多奇中作此贈
之

一畫先天誰知得已涵玄九這易玄机枯子
雲傳授杜宇一聲春欲曉牡丹几朵花開晝
問堯夫數字自何來俱參透心曾裏羅星
宿心畫上占文繇看肆中簾捲門前車轉易
字分明書日月口天真是談天口豈太玄而
后遂無玄如今又

為揚志行壽 水調歌頭

絳闕春回近先放玉堂梅當時產此人傑天
豈偶然哉吾道以為元氣學者仰如北斗聊

復振儒臺來歲紫微閣閣闔看天開 七句
老千里路為公來二十年前綉衣曾奉紫霞
杯今對湖光山翠喜有碧瓊玉藕壽酒得重
陪明日賦歸去回首望蓬萊

雲峯胡先生文集卷之二

上梁文

明經書院大成殿上梁文
至大庚戌十一月八日

伏以經從易畫而後百千世賴夫子之功時
自春秋至今三十二周庚戌之歲塾序宮牆
之有建詩書禮樂以無窮共惟大道弥綸
至誠化育有親有義有別有朋友序：當：
六經之中合德合明合序合鬼神本：原：

一貫之妙無極兩儀立不言百物生夏之時
韶之樂獨以語克己之賢社之土稷之穀合
無踰上丁之祭蓋出乎類拔乎萃自生民以
來未有盛者也必有若能知聖人之為高况
遇者化存者神與天地同流豈小補之哉非
孟子誰發王道之為大新渥頌九重之韶大
成加二字之封海宇咸振文風山林亦承德
化闢茲精舍務在明經堂殿巍：日瞻燕居
之像佩衿濟：人無鵠至之心道體鳶魚文

章希鳳凡異日有成之造皆昊天罔極之恩
茲曰六偉歌各述一經訓

東 易更四聖妙無窮六爻定位分三極
萬化先天起一中

西 書從夫子揖其机未說道中有升降
先從心上認危微

南 詩是畫尼手自刪聲氣元從情性出
文章不落語言間

北 禮書須要尋端的儀禮為經戴禮傳

節文之中有儀則

上 樂在人心非絕響無容桑濮侈音聲

可復蕭韶真氣象

下 春秋要在尊王者王所為即天所為

身之也非假之也

伏願上梁之後斯文之運天開窮則變則

通則久為學之功日進士希賢希聖

希天善治聿興真儒輩出灑爾靈爾豈

止用商周之書蕩乎巍乎皆可行堯舜

之世

啓

回常州總管聘啓

伏以八九十曰耄今已踰致仕之年二千石

惟良乃肯舉聘賢之禮辱知甚厚揆分奚堪

茲蓋伏遇總管相公以豈弟慈祥之心行廉

明公謹之政惠及齊昨者何啻千里如此太

守者能有几入重儒所以重民知學校之務

急言治必先言化豈俗吏之能為有如炳文

居然不武茲來匪遙于千里實為相知者十年日講四書奚頌西湖之好景雲飛五朶又逢東道之主人真是有公卿下士之風何幸共友朋讀書之樂情深喜躍誼合摠趨但已載琴書于歸舟未能受幣帛于將篚炳文不慚髮白誓報眼青朝取一士而拔尤何能當于獎拂屢廣萬間而庇士終冀入于幘幪感激殊深敷宣罔罄

回汪仲剛啓

伏以遣子從師俾立程門之雪崇儒重道特飛郇翰之雲自愧顏齡莫當雅意茲蓋伏遇其人才能俊偉氣稟陽剛教篤義方特見徐卿之二子學根性理能敦韋氏之一經素聞詩禮于過庭且資友朋之麗澤其敢攄衷赤用報眼青二人求學之心倘無將至之鴻鵠萬里橫飛之翥尚有速化之鷗鵬

回句容程宰招啓

伏以聞絃歌之聲能知施于有政行東脩以

上愧不足以為師偶拜荆川劉公之書欲下
南昌孺子之榻古禮有此今非其人伏念某
童而習之老無能已以吾長乎爾若來日之
無多莫我知也夫抱遺經而獨處青眼一顧
白髮如新幸無郇子之先容肯索李生之高
價茲蓋伏遇某官鳴琴多暇製錦甚工士元
非百里才何嘗不治再求可宰邑豈曰非仁
姑小試于牛刀乃先求于駿骨伊欲逐雲龍
于東野又疑驚雪犬于南州樓謾想于行藏

札

門當謹其出入未敢從容于函丈正須俯伏
於奴牆以吾為邑長於斯固將學道則愛人
也有笑於弟子之列安能受業而解惑哉聊
抒下情少需後命

明經書院請開講二十二啓
與朱宏齋

伏以學開槃水務六經根本之求望重香山
主九老者英之會誰賢書蠹敢屈杖鳩恭惟
耆德年高雅懷博識傳來文公之派豈必

羸金生在謝氏之庭真其玉樹天已彰于陰
德人皆獲其修程炳文辱知最深忝眷非薄
宿：信：端期歆向之偕來濟：鏘：共仰
孔顏之如在

與趙鼎峯

伏以文在茲乎欲為辯志離經之學鼎取新
也願聽登峯造極之談龍象筵開鳶魚机動
恭惟 丰儀清峻聞望老成壯歲功名北海
飛騰之萬里晚年著述西狩獲麟之一經孫

喜見于曾玄家惟傳於清白炳文敬脩尺牘
仰屈丈函胡氏之學乍興正須講貫趙衰之
日可愛雅稱來遊

與趙古澹

伏以明經標學欲防士習之浮大雅惟公獨
見古風之澹斯文有屬多士攸宗恭惟 罷
大名宏德穹望重一第拾芥便盍聯薇省之
班几載栽花今猶說桐鄉之政薦行素孚於
閭里至誠累動於神明壯志未衰晚成可卜

炳文不慚末學敢屈者英精舍題顏已揭李
潮八分之字諸儒稽首願致南豐一瓣之香
與趙植庵

伏以胡安定建學立規欲資講明之舉趙清
猷與物無忤 淳固之風敢有請焉尚期
來此恭惟 道心不競註述最精奮好公子
之振 凌雲折桂晚厭諸人之袞 引水栽
花文在茲乎學犹植也炳文僭開精舍敢屈
華裾堂上衣冠盡一時之俊士儒人領袖屬

前日之省元

與鄭存齋

伏以鄴侯三萬軸書蓋明六經之要伏生九
十餘歲願愛百篇之傳尚有典刑須求指畫
恭惟 居今而學古貌蒼而意新早誦程文
外樂何如內樂晚尊者德小年不及大年滿
目芝蘭知心松菊藻鑑之人惟舊蒲輪之詔
方新炳文自愧庸 猶知老 眼明蠅頭之
字肯辭館下之諸生齒序燕毛之儀當冠生

中之衆老

與滕山癯

伏以六經天地之奧孰明辯之一儒山澤之
癯能主張是再拜以請賜頌為榮恭惟 曾
有五車眼空四海清音揮塵猶餘西晉之風
流健句驚人何啻盛唐之氣象且四書之淹
貫六多士之歸依炳文苟創書堂有資講席
一言悟道要豈徒研竹簡之書七日見陽來
正好問梅花之訊

與吳瑞軒

伏以胡安定開湖學豈前武之能追吳兩崖
講西銘喜斯文之可續 語能開於後進重
來毋墜于前言恭惟 望重丘山氣吞湖海
香留晚節韓公老圃之花奇吐天葩却氏一
枝之桂詩書有功子名逼人雖絳雲之心卷
舒自如恐大鵬之翌軒騰未已炳文苟烏創
厦志在窮經審問之明辯之欲來四方之學
者主張是網維是賴有當代之偉人

與戴晉翁

伏以學開槃水無胡安定之成規望聳瑤山
喜戴侍中之重席倚茲黃髮領我青襟恭惟
師友深源古今博覽寥々文獻巍然魯靈
光之有表々儀形異乎漢專門之學有如茲
舉式係斯文人皆笑其為迂公獨聞之而喜
上梁之敬已騰于六偉升堂之講可吝于一
來炳文茲烏麗澤之期聊當耆英之會地上
明如德之晉誰無仰瞻山下泉似人之蒙有

資剖擊

與戴蒼山

伏以道在六經泉混々而有本學先諸子山
蒼々以弥高書舍方新儒宗有舊恭惟多
聞多見古貌古心曾着數千言據班史以刪
述家藏三萬軸沂戴禮之源流記誦云乎哉
文章有屬矣炳文敢緣講學用集耆英月窟
天根已見一陽之復雪伯霜仲來入九老之
圖

與方壺

伏以建書堂于蘇湖之上道脉犹存望方壺
于渤海之中仙風可挹愧莫追于前武幸嘉
惠于斯文恭惟 玉立精神春風氣象紫陽
千峯之表學可師人青雲萬里之遙仕為令
尹子弟欲其成耳功名何足浼哉炳文敬拜
尺書仰攀文席洪惟朱張之相與尚資審問
明辯之功幸冀歆向之偕來共究溥博淵泉
之學

弟

與戴恕翁

伏以六經講明有志于本矣一言提要終身
其恕乎姻婭親：友朋切：恭惟 存心無
物滿腹有書馬空冀北之群称其德不称其
力鳳見河東之瑞難為弟又難為兄聯璧而
來断金有契炳文一為此舉多笑其迂洪惟
礼記之傳賴有資于戴德自愧中庸之學不
敢擬于胡公

與潛心

伏以來四方之友朋豈無合志對六經之賢
聖正要潛心道在發明君其寵頌恭惟風
神秀整氣象冲融天驥奔電之才豈但空其
冀北海鵬搏風之翮乃猶在于水南恐萬里
功名之逼人喜一脉詩書之有子炳文猶記
經營之始專承規畫之勤孔孟之詞聿新如
所教矣潘楊之睦有舊能勿來乎

與方則齋

伏以學先經術愧斯道之未聞人有典刑喜

其則之不遠筵開龍象机動鳶魚恭惟身
隱而名高世今而心古泰山北斗儒者翕然
宗之霜木晨星老成如此能幾儼衣冠於九
老尊領袖于諸生炳文茲集朋友之群蓋先
齒德之一鱣堂講貫方當明辯之篤行之鳩
杖來臨必能主張是維是綱

與梅村

伏以山學乍興非泮水春風之藻天机可見
在前村雪夜之梅試認一畫之陽即明六經

之要恭惟 修名揭日吐氣凌霄兩度看敬
亭之雲未愁濡滯九重有直廬之地佇見飛
騰蓋由氣識之不凡乃知詩書之有用炳文
自慚不武敢與斯文孔籍源流當考東家之
實錄阮林叔姪願來西晉之清風

與蛟塘

伏以義理無窮要在明經之學文章有屬願
聞垂世之言敢布尺書仰攀文席恭惟 精
神玉立氣象春和志在青雲蛟龍豈池中之

笑

物心潛黃卷糟粕視紙上之文茲集佩衿有
煩領袖炳文徽榮葭玉薦好蘭金老成萃一
時聊當耆英之會儒者榮六藝願為根本之
求

與江古修

伏以結屋依陽坡期闡六經之學汲古得修
綆咸推多士之宗鳩杖肯來席皮端坐恭惟
襟懷洒落氣象和平沂軋淳之淵源學者
泰山北斗論貞元之人物公其霜木晨星循

循然之教有賴焉陶之然之號寓之耳炳文
欲資允習敢屈師嚴陳太丘之諸子隨車喜
見德星之聚程伯子之門人侍坐願挹春風
之和預此控申期以庚戌

與程道大

伏以王荆公之為文孰與胡安定之為學張
橫渠之邀往亦為程先生之知來意見畧同
消息甚大恭惟詩名早著理趣深潛虛五
六以居中啓蒙之書為之翼加一倍而起數

先天之學生于心諸孫花辰之娛嬉皓首山
中之著述炳文敢修尺牘仰屈丈函學者以
經術為先當永刊于枝葉天下惟道理最大
願共沂于淵源

與朱實軒

伏以明經凡百年甫開精舍晦翁茅四世咸
仰名家斯道未墜于箕裘後學有資于袖領
恭惟自持端厚人謂清高學海波中之龍
有自來矣秋風天上之鷗乃止是耶豈不武

于青雲寧斯文之皓首炳文不揆其陋屈為
此來山中之學方成蓋先釋菜花外之車政
好觀梅

與江雪石

伏以遙々末曹敢云存湖學之風壺々清談
端似洒石石之雪再拜以請一來為榮恭惟
與學傳家清材拔俗遇侯翁之奇男子當
奮志于青雲鄙張儀之大丈夫寧窮經而皓
首表々愈偉菲々弥章炳文僭敢奉書有資

讀易豈無泮水之藻幸惠願乎山中共看先
天之梅當相忘于意外

與張西岩

伏以明體適用豈如安定興學于東南砥頑
可愚賴有橫渠為銘于左右肯來鳩杖無遜
臯比恭惟光霽襟懷老來問學壯年場屋
曾驚一鶚之飛晚歲山林未應三鱸之瑞前
修如此能凡後進翕然宗之炳文自笑其迂
幸惠之願深衣大帶先教我釋菜之儀斗酒

篇詩當共君觀梅之樂

與王太字

伏以師道立則善人多欲明孔籍泰宇定而天光發猶記莊玄遠精舍之昂新幸華裾之寵賁有体有用敢謂得胡安定之傳著易著書諒能明雙溪之學

與方王泉 錄判

伏以斷金蘭契方當大集于衣冠漱玉泉聲胡啻如聞於環佩實同詩書之味豈但親戚

廿九

之情恭惟有用才猷不亢器識一官游戲聊復披鶴氅而戴星冠六藝沉潜政自攝天根而探月窟炳文敢修尺楮仰屈丈函所講謂何自是同然之義理雖遠且至况是異姓之弟兄

酬仁靜招書社啓

蠹簡埋頭親二尺檠之燈火魚書到手開萬間厦之帡幪既無負米之勞昭仍采葑之意請惟么麼夙荷獎知天下達尊三黼黻每加

于溝木君子所教五丹鉛俾共于塔蘭班荆
酬昔者之言蟠木絕先容之助雖主擇亦擇
主固湏聲應氣求然公求士甚士求公乃若
天同神比勤渠若此銘篆何涯第手停百家
編常恐乏昌黎晨入之誨矧腹非五經笥每
慮貽孝先晝眠之嘲所賴涵容儀圖稱塞受
若直怠若事固小人平昔之所不為精于勤
荒于嬉必諸郎于茲有以自勗因修謝續預
扣衷旒考德行而興賢興能卿大夫既欽承

于明詔懷忠信以待舉取佳弟子行濟美于
修程不盡頌期何當侍列

請開學會啟

二月十五日

鄉有庠家有塾時當師範之尊烏能弄花能
言明日又春光之半敬因休暇少展綢繆願
叩顛列于珪璋暢叙寔娛于觴詠載酒門奇
字常聞好事之風下馬入錦茵尤喜得群賢
之集勿瑕折簡幸賜聯鑣

回玉湖招遊樂阿啟

伏以問春多少已在茶蘼芍藥之間有客吾
伊盡是金馬玉堂之彥願偕良會少展清歡
尚賒山中笋蕨之甜足稱宵次詩書之味鳶
魚之著飛躍千餘載可想于風 賓主之美
東南五百里當占于星象即聯車從惠顧槃
阿

代戴答朱聘啓

伏以詩首閑睢朱傳明三綱之始禮先贄鴈
戴經謹百世之婚皆有係于斯文宜式諧于

大

新好恭惟某男辛勤黃卷行當振于家聲而
某女婉婉綠窻居能閑于壺範過蒙采菲俾
獲施松媒勤芥柯之言書粲金薤之字儀陳
幣帛喜溢門闌玩先天枝上之梅將迎長于
紅日攀廣寒宮中之桂願早步于青雲

雲峯胡先生文集卷之三

碑

彭王廟碑

婺源郡西七十里曰霍口大溪自張公山來
旁一派自三靈山來兩溪合處一山雄聳彭
王廟在焉王諱畬霍口人唐末黃巢亂率兄
弟扞蔽鄉邑死之桂岩思溪高砂諸處立廟
此其降神處也凡禱水旱疾疫如響鄉民屢
以非道呪咀者神即殛之死宋開慶己未重

慶受圍兵交空中見大旗曰婺源彭王圍遂
解帥李遇龍上功于朝加封夫以王之英烈
生而為邑人排賊患死而為國家靖兵兇且
自江至蜀凡萬里光靈遠揚惠愛旁乎其勛
德固宜與祀典為無窮也廟未有記鄉之父
老陳惠陳穰礮石求予記其事遂為作迎享
送神詩碑祀而歌之詩曰

雙溪合兮洛：廟孤峙兮東峯水秀兮山雄
據異氣兮神所鍾丑口微兮賊刃紅張義膽

列

兮戕其躬飛精英兮蚕叢舉大旗兮雲中月
暈折兮息群兇日光懸兮照孤忠後潛蛟兮
年無凶驅厲鬼兮翺祥風神之福兮龐以鴻
神之祀兮宜無窮泰定丙寅正月望郡人胡
炳文記并書

墓誌

故廣西兩江道宣慰使司都元帥府

經歷馬君墓誌銘

君諱良字良甫世家高唐幼在群兇中侷儻

有偉氣人異之長通吏事一日奮然曰儒不
吏則迂吏不儒則俗吾肯為俗吏哉于是益
從鄉先生學旁參博覽自經史以至人情急
世之要靡不通究初為賓州路知事以廉能
著邕州夙號難治君為經歷處事有條次潔
已御史平日以狷聞者不敢端為廣西兩江
道宣慰使司都元帥府都事在任除經歷悉
取諸路利病白于上罷行之有不可必達其
志上官及同僚稍不如法輒面爭性剛直不

所以故甚得士民心而居其上者多不憚左
右兩江洞隣交趾負固為民害其地水草毒
惡先是官軍死者十八九大德甲辰左江洞
寇黃聖訓叛招諭難其人僉曰廉幹彼素性
服者惟馬從事可者聞之慨然自任曰唯吾
可唐貞觀初嶺南酋長馮盎謀反負外散騎
侍郎李公能以一介之使代十餘騎吾獨不
能乎即日上馬去冒瘴厲歷巖岨至輒庇之
曰方今薄海內外悉臣靡有叛者汝何敢叛

汝何敢反且復諭以禍福曰榮汝官樂汝土
視爾奔走流離終復身首異處計孰得耶思
之思之無悔拜且泣曰公思主也敢不如命
約日來降歸塗半固致金二甕君却之嗔語
其使曰歸語汝主此非吾所欲也地多野味
能獲一二寄我手居無何昇異獸來君俾
致之帥間烹與上下嘗之當時民謠曰飛吾
單騎出彼不意微公之勇孰奪其氣却彼甕
金貢我山禽微公之廉孰服其心未几右江

洞寇岑世興三叛元帥唐懷遠受省委招諭
領軍餘二千人留田州軍無律大為民擾君
為文檄十廉司曰唐元帥于官無鴻毛之益
于民有泰山之損本欲禦寇乃為寇也廉司
違其議就以委君、不能辭往如初世興感歎
約降與聖訓不異暨二寇來元帥將之入覲
掩君之功不以聞人咸為君寬之大德丙午
十有一月以疾卒于官享年五十三祖忠父
全妻宗氏張氏先君卒李氏相繼逝子堅奎

壁君卒時壁未晬弟善嘗自高唐來靖江取
兄嫂喪以歸至長沙危涉洞庭湖善先邁僕
窘無資以寄岳陽寺中越十有四載壁始知
之哭而言曰嗚呼蒼天吾父母何為至是耶
孤不孝罪也徒步二千餘里沿途哭泣行者
不忍聞至岳陽四喪俱在聞者惜之嘆曰微
是子馬公之鬼不滯于他鄉乎今如此天道
不彰乎壁將護葬于高唐求予銘壁嘗從予
學故知其父行詳且信予深受其為人而悲

其志遂為銘：曰

凡

自負表：特立矯：厥材寡雙彼寇狙獷能
化其梗用嘉靖于兩江兩江人心德君之深
視江流淙：我銘其藏功遠而章厥慶鴻以
龐

詹氏孺人墓誌銘

孺人詹氏諱道餘世居武夷高曾徒崇化里
遂為建陽人曾祖諱光宋進士祖諱元父諱
僧皆隱德不仕詹氏幼有淑德母黃氏教甚

嚴二十有四適同里余仁起仁起幼孤事姑
弥謹蚤暮問燠寒痛癢敬搔抑扶持之湯藥
必嘗而後進膳且必珍饈凡可求得之者雖
遠不憚暨終每節序或風雨霜露泫然悲泣
不已生事葬祭鄉隣咸稱其孝初適余時家
微賴丙助不十年田廬日闢足周鄉之貧乏
者借貸盈庭或立契券不能償詹氏取熱之
無何孀居十有五年撫育子若孫慶內外皆
有條次教以義方不務浮靡家裕復倍于昔

時子安定勤儉如其母待鄉隣以和接朋友
以禮人、翕然稱之曰有是母宜有是子也

生于宋淳祐辛亥秋八月沒于泰定甲子夏
六月享年七十有四仁起諱興先卒子一孫
男二贊資女三曾孫男二燠炫女一將以某
日葬于某山下構亭曰思庵前事以予友張
存中所叙行實來求銘、曰
生茂族媿德門孝而惠靜以敦躬勤儉儀子
孫亭曰思、如存述壺彝銘此坊懿厥聲永

于聞

金氏孺人墓誌銘

程生霖衰經詣吾門再拜泣血言曰孤不夭
禍又延吾母願惟歛汪氏巖桂氏信永豐韓
氏皆有節孝聞于官旌表其閭彰之在人耳
目孤不克以聞于上使母之節之孝將泯沒
無傳孤罪不容誅先生肯賜之銘其為旌表
莫大焉言訖復涕泣再拜予哀其志按狀其
母金氏諱柔真父諱宜之歿時母方三十安

於

貧守節孀居四十餘年清貞之操表裏始終
如一姑年逾八十奉養一如所欲姑有三子
別居迎養不肯去獨安于孀婦之家孝可知
也臨終指天謂曰汝孝如此願汝子孫之孝
如之諸子幼孤辛勤撫育稍長遣事名師而
訓教甚嚴以故皆克樹立嘗病薦其子霖述
其行露香禱于天夜夢數羽士至其家病尋
愈自是夜香祈母壽康凡十有四年母壽七
十有七無疾而逝生於宗淳祐丁未終於至

治癸亥將以十二月辛酉祔葬西郊芳村男
四人長雲以儒為休寧縣吏先十有八年卒
次洪出繼其第三子也幼周孫男十有一人
儒第祖澤興翁崇德壽閔敬德寧祖光祖懋
德福祖貴德女四人銘曰
不越閨闈目不閱詩書而節靡渝而孝靡
虧慈靡不足而嚴有餘誰能旌之光里閭吾
能銘之藏玄壙

傳


嫂

節孝王氏夫人傳

王氏名靜婉饒州餘干人。生宋寶祐甲寅年
十九歸于信之貴溪月岩程先生季子植甫
五歲而植以疾歿。且與王訣曰：吾父母老不
得終養，奈何？王泣而對所不畢。至以養舅姑
將無以見夫子於地下。服闋，母氏欲奪其志，
則又泣曰：未也。人孰定省禮於舅姑者？以夫
子之言猶在耳也。之死矢靡他。越五年，舅沒，
事姑翁氏愈益。婉順卧起必偕。至元壬午時

姑年七十病卧床蓐一夕群盜至門擬刃于姑側王以身翼蔽願代姑死盜義之而兩釋焉他日姑病草語王曰汝事吾無違礼願汝子婦以汝事我者事汝吾死瞑目矣先是有以理教言禍福者姑以王命叩之則曰二十而嫁：五年而娶又十年舅姑相視嘆曰節孝婦也如命何迨今舅姑歿三紀而生壽且康子婦諸孫事之惟謹人以為節孝之報云讚曰

王氏凜然德貞烈丈夫所不能為斯亦異矣至其事姑則犹如處女事母時節與孝人不同間于舅姑之言雖衛共姜陳孝婦何以加諸上之人表彰之可以美教化移風俗矣



雲峯胡先生文集卷之四



箴

床屏箴

清明夜旦之氣正大天地之情勿謂微事而非至理勿謂暗中而無神明此古之君子所以不敢弛然自放于床第之上而且復戰兢也

果齋箴

友人高彥道性嗜學其父甚樂而予未有以



教之也彥道讀書之室請名于予、書一果
字與之且為歲、曰坎水之流始于蒙泉不
果其行易至于川賢必希聖、必希天果能
此者人十已千孰為凡民孰為豪傑萬里之
程一念之烈遷善而果雷驚電掣克已而果
矢去川決乾為木果良為果蔬果剛在上蔬
柔而墮最戒悠、忌瑣、志高力強果何
不可

節齋箴

易至節卦六十爻三百六十合天地節而四
時成四時有中氣有節氣節也者抑其過而
歸之中也節之吉且亨與不節之嗟歡戒備
矣六十四卦之終復戒之曰六不知節也非
惟飲酒水火未濟有孚節義存焉友人高唐
馬璧從予說易予名其齋曰節復為之箴、
曰

天有節氣四時成歲人能節性迺德之萃坎
水下塞為兌之澤有限而止儲豐于蓄言失

之放舌不可捫用失之後生理易存爵取節
節樽取尊：飲不知止多不遺瘠保合于軋
闔戶于坤欲不知止自芥其根所貴者節知
止有定養之以靜持之以敬恬吾身心培吾
德業存其固存節之又節

牧菴箴為王伯武作

書允言牧保養吾民易言自牧保養吾心謙
而又謙存心固厚譬彼善牧羊先牧後放羊
能收放心弗求欲動情勝氣暴神浮牧之何

如敬而無失常自繩檢毋令放逸毋喜而馳
毋怒而競防壯之觸執讓之柄梏牛豮豕馬
閑其輿畜之既極何天之衢

銘

得樂亭銘

性分之中自有樂地世之人得之者鮮矣人
孰無此心：孰無此性樂在內不在外得之
由我而由人乎哉新溪戴君有道之士也以
得樂名其燕處之亭新安胡炳文樂為之銘

銘曰

性天之樂自得其得匪厭飲食匪聲匪色其
外不牽其中則全心逸日休其樂以天松邊
新溪竹裏幽泉鱗泳禽翔孰非自然存心養
性知止有定萬物靜觀四時佳興樂得吾真
性天之仁物得吾樂性天之春

靜室銘

德方玉閔人也學甚勤題其室曰靜予為之
銘曰

太極之妙動靜無始動者其用靜者其体
坤闔闢為易之門未闔之先闔戶為坤喜怒
哀樂未發之時渾然在中鬼神莫知無思無
為不睹不聞非誠曷有非敬曷存惟靜故虛
惟虛故明尸居龍見淵默雷聲軋專而直坤
翕而闢靜以制動心為太極動則為智靜則
為仁維仁之克萬物皆春

正心齋銘

友人馬惟貞平易敦厚無一點澆浮之習請

名齋于予、曰學易之法先正其心遂以正
心名其齋且為之銘、曰
吾心之体本無不正欲正其用宜主乎敬心
分本虛有如太空能無喜怒不留于中如衡
之平如鑑之明衡無留物能推重輕鑑中無
有能照妍醜密察吾心或存或否吾心之存
可檢吾身吾失此心失吾為人常應乎物不
與物馳防其邪曲敬以直之况于學易尤當
主敬舍此一心曷承三聖

止善齋銘

古杭沈生繼善純敏可愛自名其讀書之所
曰止善齋求予銘、曰

善曰至善極曰太極人心天理自然之則如
居之安茲惟其宅如射之中茲惟其的入莫
能至、或易遷志之未果守之未堅心決所
向知止有定欲堅所守莫如持敬明德之中
至善存焉必止于是迺純乎天人欲蟬蛻天
理春融自新、民春意何窮

自強齋銘

從孫祖義從予游予惧其弱不克進也名其齋曰自強且復為之銘曰
南北之強固於風氣君子之強純乎天理不能強者頽然而靡是之謂弱六極之底其或能強惟氣是恃外強中乾寔則餒矣硬着脊染特立不倚緊着功程力行不已吾之此心與天同體唯天行健一息萬里朝斯夕斯始是終是不務勝人而務勝己軋壯大象請觀

所以自強不息非礼勿履

一心銘

一而大者是之謂天一心之中一天存焉孰存此心主一無適心為天君敬乃天德

存與堂銘 并引

江君某取古詩義揭二字于中堂示其子孫曰存與庶子孫朝夕存之於目不敢怠忘求予銘予竊嘆世之人汲汲然求田問舍謂存此可與子孫不思天生我其初何以與我且

獨不聞象山讀孟子乎此天之所以與我者
一此字自作一句讀令人惕然有警省處蓋
天地之大莫大于我之心天之所以與我者
此耳與此在天存此在我與此在我存此在
子孫我存天所與我者則以與子孫子能存
之以與子之子孫能存之以與孫之孫吾
子孫即吾此心吾此心即我子孫惟天不容
偽惟天久而不窮銘曰
天之與我其初固存天所與以與子孫豈

惟子孫造化經綸充吾所與春滿乾坤雲峯
胡文炳撰

頤齋銘

晦菴書院山長嚴陵邵春叟袖巨編示予法
然泣而言曰先君子言行有訓祇服不敢怠
忘遂名其齋曰頤頤有以養之予為之三嘆
而言曰君年七十猶知頤其父之訓可謂孝
矣論語四勿視為第一義大學三在頤為第
一閑目之為視常目在之為頤視則有意于

見頌雖不見而常若見之有回首戀之不已
之意編中詩若文藝頌之義為詳獨未有拈
出西銘中一頌字者蓋在書曰頌謚大學引
之而後此一字中格致誠正修身之工夫備
焉孟子曰頌養西銘引之而後事父之孝與
事天之仁兼焉是雖孟子頌養之說而寔合
大學頌謚之旨天何嘗不頌人々多不能頌
天父何嘗不頌子々多不能頌父不頌天不
仁不頌父不孝然所謂頌天者豈獨高々在

上之謂天々理在々是霧常自在之則謂之
頌所謂頌父豈但養口體父雖不在而常存
之心目之間則謂之頌然頌父即所以頌天
天理常存于一言一行之際父之頌子惟恐
其言有餘而行不足子能頌父則常勉其所
不足而不敢盡其所有餘言行相頌之際其
机至密西銘所謂理一分殊所謂即事父之
孝以明事天之仁者不過如斯而已春更蓋
用力于西銘之學者然吾惧世之人不皆春

更也故為之銘以警銘曰

人頽其外我頽其內頽外荒唐頽內迴光我
言頽天匪頽以目天在我心戒慎慎獨至若
頽父視于無形優然有見視死犹生言頽無
浮行頽無尤有物有恒頽非外求乾父坤母
頽我所生或不頽此請頽西銘

蘭室銘為張德庸作

水孰無汀茲以蘭稱汀孰無室茲惟蘭馨惡
彼繁華澹然幽寂靜裏春風花中懿德采非

其人德孰吾親寧不吾采吾意自新香不以
迹而以其心久與俱化其味采深姑從其類
夷情和惠深潛純粹惟頽其庶

賦

鷄鳴賦

亥子混沌人物鴻濛汝嗟：今初運日杲：今將東雷之驚蟄也一歲云始汝之驚人也是如是鼓兩翼兮有聲作群動兮不已舜
瘖之後其趨也異此時聞之皆悟而起豎汝

再鳴日將中矣悠々者晝寢營々趨市鳴何
殊哉聞者異耳故或名汝以翰音或呼汝以
司晨或以朱而著姓或以碧而稱神孰知真
机之自動無如旦氣之方新彼方同夢也此
足以轟媯怠者之耳彼未起舞也此足以激
忠義者之心至于食必呼儔聞必怒被服
孔文爪距翼武群出以朝群棲以暮動靜不
失其時風雨不改其度聲者雄而牝者不敢
與之雙唱者一而和者不可知其教是皆見

于已鳴之後而不知其已鳴之故萬籟無聲
一天微露汝之初鳴乾將闢戶是謂一日之
貞下起元而天地人物之一悟蓋得乾坤之
初者震巽乾坤之中為坎離坎司子之候離
當午之時汝巽禽也乃通坎離之道而知夫
子午天地之中正郊酉陰陽之出入陰之精
而澤于陽月之象而影于日汝之初鳴日猶
未出於此之時子以悟無極之真午以見道
心惟一教：為善守而弗失舜人也我亦人

也如之何其不可及也夫

周氏節婦賦

大德庚子信州永豐縣學以周氏貞婦聞于
有司明年春旌其門曰節婦周氏之門易其
坊曰崇節坊初周氏年二十三歸于韓一紀
夫喪三子皆幼終喪昆弟欲嫁之訖弗奪新
安胡炳文為之賦曰

詩胡為肇于閔睢兮曰夫婦千古之綱常罹
變酷而靡渝兮衛風獨詭于共姜惟父之與

母兮謂一家之

紛姑息以為慈兮嗟孟

母其罕聞固世衰而教弛兮况婦人其何知

亶乾封之周氏兮媿共姜而一之孀 十

春兮胡為不改其素也指蒼天以自矢兮

之故也豈無膏與澤兮飛兩鬢其如蓬

衆紛其儷美兮蹇予命之不同喧輿論之總

：今日予有姤節予豈樂聞此名兮悵悒鬱

其如結脫簪珥以教子兮躬績紡以勤家懿

予行其如玉兮庶初終之無瑕舜續紛其揚

英兮蹇朝華而夕燄飽千霜與日寔兮松獨
秀兮穹林旌高風以厲俗兮岌崇門于廣途
凜霜日以爭嚴兮羞人間之丈夫

太極賦

昆侖無外旁磅礴深廣孰鈎其玄為我指掌鰲
極定位龍馬負圖五十虛中天地其發我矣
乎龜書天錫禹疇攸則其中用五名曰皇極
然：則羲之則固也卦有爻著有策文王周
公亦既有辭矣胡為不以太極言于易：者

陰陽代換之名極者陰陽代換之理後際不
見其終前瞻不見其始文王周公非不言也
陰陽在是太極不離乎是尔不離者物：各
具不離者物：統體渾然者如此粲然者如
彼造化氣也孰為氣之樞紐品彙形也孰為
形之根柢不有夫子孰明厥旨大哉易矣斯
其至矣夫文王周公未嘗言太極也而發之
者仲尼仲尼未嘗無極也而明之者濂溪曰
有曰無奚可岐而二之况所謂無者非視之

不見而言希非聽之不聞而曰夷蓋言無形
而有理非如屋極之極可以形窺也非如北
極之極可以象推也濂溪之說吾知其非得
之于師濂溪之心吾知其得之于仲尼仲尼
得之文王周公文王周公得之庖犧混兮關
兮其無窮兮不言者非私言之者非離然則
孰為天地之太極曰人孰為人之太極曰心
太極動而生陽靜而生陰人者陰陽二氣之
會心者陰陽不測之神人之一身萬物咸備

一方寸中具一天地所當得者將發之際原
夫未發無偏無倚在圖書則中各有五之中
有一一非心之体乎在先天則萬化萬事生
乎心非即圖書之自中而起者乎動宜省察
靜宜涵養誠心在致其知勿忘勿助之長立
身以德行為先立言以明經為尚太極在我
真實無妄徃聖之絕學萬世之太平方當于
我乎有望

送鄒雲樵歌

山蒼：兮水道：羗樵翁兮逝道遙月雙眸
兮炯：風雨袂兮飄：歌正音兮歌以琴悵
伯牙兮不可招俗降兮淳澆古心兮寥々爰
老栢兮不凋歸兮雲中樵

雲峯胡先生雜著

雲峯胡先生文集

附錄上

元史本傳

翰林學士亞中大夫知制誥兼修國史臣宋

濂翰林待制承直郎同知制誥兼國史院編

修官臣王禕等奉

勅修

胡炳文字仲希徽州婺源人以易學名家作

易本義通釋等書而于朱子所註四書用力

尤深餘干饒魯之學本出于朱熹而其為說
多與熹牴牾炳文力正其非作四書通允辭
異而理同者合而一之辭同而旨異者析而
辨之徃々發其未盡之蘊東南學者宗之因
其所自號稱雲峯先生其族子從為建明經
書院炳文入署山長事再調蘭溪州學正

明經書院賜額緣由

行在尚書吏部符准

中書門下省送

到禮部狀准都省批送下准徽州路婺

源州知州黃惟中狀申伏惟本州為文

公桑梓之邦考川乃唐進士胡昌翌講

學之地歷世以明經舉者事跡顯著皇

慶年間裔孫龍泉縣主簿胡浚為從父

胡炳文建立書院以為講學之所若不

告乞申奏請

勅旌額設立山長主教將來必至廢弛本

司先委右脩職郎宣州旌德縣主簿李

語前去体究得並係實跡保明是實本

司再委右迪功郎池州青陽縣主簿喬
儻復行按實體得委是立學教養人材
本司保明是實批送禮部尋行下太常
寺勘會今行江南東路轉運司婺源州
准
賜額明經書院本部即行銓注山長准
太常寺所申事理施

延祐二年

月

日奉

聖旨准該部所申

明經書院瞻學田碑

皇帝聖旨裏徽州路明經書院會驗本院山
主胡主簿建議以星源為文公桑梓
之邦考川乃先世明經講學之地于
皇慶二年上創建書院捨田養士申
覆上司奏

勅以明經書院為額至元二年奉本路總
管府指揮備奉江浙等處行中書省劄
付該准中書省咨來咨徽州路婺源州

儒人胡浚起立明經書院捨田地叁頃
茅澄捨田五十聘從父炳文主教事本
道廉訪分司覆察相同本省叅詳胡浚
世傳名家置田創建明經書院作養人
材已蒙准設名額

詔下礼部議得上項書院若不設立山
長奉祀主教將來必致廢弛宜從都省
移咨本省於例選相應人內銓注山長
一員俾居師位學校庶得興崇具呈照

詳得此咨請依上施行奉此總府仰照
驗施行奉此于當年五月內蒙行中書
省銓注童廷克本院山長到任勾當外
今將本院贍學田土理經條段項畝租
數逐一開具鐫勒堅石以傳不朽者
至元二年十二月 日山長童廷
立石

至正四年正月甲子立碣完備山長李
惟誠 余元啓謹識

雲峯胡先生行狀

家乘

先生名炳文字仲希號雲峯行振二世居徽之婺源考川始祖諱昌翌出大唐幼遭世變寄姓于胡因籍烏以明經登進士第義不仕後有曰伸者官國子司業與同郡內翰汪藻齊名元符太學所謂江南二寶是也又有曰伋曰侗曰捐曰搏曰持者皆兄弟聯登進士當時所謂樂水十年三進士藏雲八世五登科是也自是有以學行推選為鄉校正諱允

濟者為先生曾祖又有諱師夔通五經尤精易撰易傳史纂號易簡居士為先生祖諱丰元字聲遠師朱文公從孫小翁得書說易學之傳肥遜于家道淑諸人從遊三百卒謚孝善為先生父故徽之胡姓雖多聞家而獨考川之宗稱明經胡氏有自來矣先生之宋理宗淳祐十年庚戌三月十五日自幼穎悟五六歲即涉獵經史十六七篤志聖學晝夜不輟父母恐其成疾止之每俟親寢定潛以衣

被蔽憲隙默誦達旦日以為常嘗病世之學者名家專門于朱子取舍四書易詩之說大相牴牾故力正其非合各家之註作四書通九辭異而理同者合而一之辭同而旨異者折而辨之往々羨其未盡之蘊又有易本義通釋感興詩通太極圖說通書通西銘通純正蒙求大學指掌圖四書辨疑五經會意爾雅韻語雲峯筆記講義二百篇文集十卷朱子啓蒙易五贊皆有通釋詩書嘗為集解

春秋禮記嘗為纂述至于陰陽星律醫卜之書諸子百氏之說靡不推究性至孝友尤剛直日用之間動合矩度誨人諄々不倦與人交必以道義不屈勢利澆風薄俗由之而敦時有爭訟所司積年不斷兩自願曰質諸仲希甫無悔至館下固不與見一日遇諸途先生以道義從容譬曉兩俱感愧立解所爭至有終身悔悟無訟者他又得見仲希甫雖死無憾之言先生嘗曰謂斯時人不足用為

善者是不即人心之論也時臨川吳草廬先生以道德文章著述鳴當世自布衣以至顯宦與先生道同志合嘗薦先生于朝義不就作隨齋記以見意吳先生嘗稱有功聖門莫若朱子有功朱子莫若雲峯時遊吳門者吳先生必拔其高第遣歸先生以求至當歸一之論時饒郡朱公遷鄒季友王葵初董深山同郡陳定宇方虛谷倪士毅同邑王紫岩汪古逸戴晉翁皆尊先生為道德友允所論議

必俟先生而後定初任信州道一書院長再調蘭溪州學正未赴後郡守屢聘至府庠為開堂試以激厲後學初門汪克寬等俱為高選至大間族主簿浚總管澄以四方來學益衆請于朝建明經書院為屋數百楹浚捐田三頃以供祭膳澄捐田五十畝專開小學以教鄉閭子弟草廬先生記其成先生又慮學徒日廣教有不敷乃聘五經儒士朱宏齋輩以分其教而先生為之宗又取古人嘉言懿

行書之于壁使人知所自勵門人汪雷編次
名曰書院壁記及門之士無慮數百資有昏
明先生隨其高下而造就之故人樂從而成
材居多當時文風之盛甲于東南所居一室
蕭然抱道自樂上遜伊洛以達洙泗之源居
之南一峯高聳有詩云舉頭山蒼然一峯立
雲表故鄉人號曰雲峯學者因稱為雲峯先
生元統元年癸酉先生忽夜夢峯顏旦先生
曰吾壽終矣不二日竟以微疾奄棄時九月

十三日也享年八十有四集賢院劄謚文通
先生葬里之弄璋橋後卒之日遠近如悲親
戚弟子不遠千里哭弔墓庭又有徘徊悵望
廬墓不忍去者門人張存中胡子玄程益等
請于州建祠書院奉祀嗟夫先生道德垂諸
簡策功業著于書院教化播于遠近條約之
嚴于堂齋者萬古如在德容之仰于遺像者
凜有生氣先生雖死犹不死也拜瞻之餘倍
增景仰敬述梗概于右使後人得以觀感興

起云

明經書院記

吳澄

六經之道如麗天之日月亘古今常明者也夫明者在經而明之者在人聖途榛塞俗學沉迷人之能明之者鮮矣漢明經專門其傳授也章句訓詁而已唐明經專科其對問也文字記誦而已宋初學究即唐明經也後罷學究而進士改集經義名非不嘉要亦不過言詞之尚逮其体格之變至宋之季年而弊

極識者慊之新安胡氏之先唐末有以明經舉者十四世孫浚建塾于其讀書之所日從其父暨諸父講學其間既而病其湫隘也乃與族父炳文弟澄議改築西山之麓為屋數百楹右大成之殿左會講之堂又其左齋廬四又其前二塾扁曰明誠曰敬義山顛構亭據高望遠經始于至大庚戌落成于皇慶壬子昇之士田輸其歲入以養師弟子浚所畀以頃計者三澄所畀以畝計者五十知州黃

侯惟中聘炳文掌教事彰既往之美貽方來
之謀請于上而以明經書院名踰年貢舉制
下取士務明經學與所名若合符契介其鄉
人樂安主簿汪震祖來言俾記其始末予謂
明經之名一也而其別有三心與經融身與
經合古之聖人如在于今此真儒之明經也
句分字析詞達理精後之學者得稽于古此
經師之明經也簾窺壁聽涉獵剽掠以澤語
言以釣聲利而可此時流之明經也漢唐末

暇論三代而下經學之盛莫如宋其有俾于
經可傳于後世者奚啻數十家泰山之孫安
定之胡其尤也所守所行不失儒行之常固
其天質之異抑其學術之正于經可謂明矣
而未離乎經師也必共城邵子必春陵周子
必閔西張子必河南二程子而後為真儒之
明經蓋其所明非經之言經之道也嗣邵周
張程者新安朱子也易詩四書之說千載以
來之所未有其書衍溢乎天下况新安其故

鄉遺風餘響猶有存而未泯者乎然則胡氏
振之子孫新安彬之俊秀與夫四方來
遊來歌之士觀明誠敬義之篇若何而明若
何而誠若何而敬若何而義于心于身必有
用力之實而于經也豈口吟乎披尋行教墨
而可以明之哉噫經未易明也忽之以為易
不可也憚之以為難亦不可也志于斯者其
思之其勉之思而通焉勉而至焉真儒明經
之學復見于朱子之鄉不其偉欤不然知不

實知能不實能漫然曰明經明經高且未
逮夫昔之經師卑則今之時流而已矣志于
斯者思之哉勉之哉旋初命吉安路龍泉縣
主簿澄承事郎管領按都民戶副總管炳文
前信州路道一書院山長明經府君諱昌翼
所居曰考川在婺源之北三十里延祐丁巳
冬十月文林郎前國子司業臨川吳澄記

明經橋記

明經橋考水胡氏建也考水在婺源北三十

里山川繆繞外密中夷胡氏世居焉李唐之
季年諸侯王子諱昌翼避朱溫難南走匿胡
氏遂因其姓尋明經中科人號明經翁家自
考水東行五里有曉嶺踰嶺又五里有溪曰
朱源溪橫絕中道距州城可十里許每霖潦
勢激射湍悍甚翁嘗道溪上憫行者險艱橋
焉衆利賴遂以翁名橋子孫嗣葺之歲久几
圯後至元戊寅年五世孫學易木以石創為
洞橋屋其上翼闌其旁材良石堅可永久弗

壞構亭橋側割近田為畝若干命守者餽漿
茗休息往來經始于三月壬子訖事于八月
庚午用財粟凡若干工力凡若干娶源吾故
吾來展肯橋適成村耆儼然群進請記
諸石古者 閔梁司空司徒掌所以利民
也今府藏 乎 毫粟勿敢費州縣雖以
佐貳領道橋循是反得並緣為民病學也獨
不靳私錢續乃祖之績惠利于無窮是可書
矣橋昔以翁故得名今直題之曰明經橋以

其家世明經也其本末自有文故不書學字
明善嘗同知江南牧馬府事有聲聞九月望
嘉議大夫禮部尚書汪澤民記并書明經書
院山長李惟誠立石

明經書院重修記

婺源縣北三十里地曰考川胡氏世居之胡
之先曰昌翼嘗讀書其所居東山之麓唐末
舉明經遭亂不仕終其身鄉人號明經府君
者其族曰明經胡氏習稱之至今元皇慶中

府君十四孫龍泉主簿浚暨其弟承事郎澄
卜西山之勝建屋捐田以教養其族與其鄉
之人聘其從父雲峯先生炳文入教主事得
予額明經書院隸有司而草廬先生實紀其
成記一時弦誦之盛蓋甲于東南元季書院
毀于兵經殘教弛者百二十年府君二十一
世孫今鄉貢進士濬慨然思興復之族之人
亦協謀捐貲以應之者既相與言于知縣丁
君佑教諭陳君簡上于提學御史婁君謙巡

按御史胡君漢咸嘉予之而亦樂出俸金以
贖之者乃卜日鳩工集材中作堂為講道之
所左為祠以奉雲峯先生右為室以居諸生
之肄業者前為門屋繚以周垣經始于成化
庚子九月朔落成于丙申十月望
衣冠畢集山川改觀草木增輝而明經書院
一旦復焉不替益隆矣濬與其族之人將圖
所以永之者求續書之走嘗以事至婺源見
草廬先生之記刻尚存疑非後學之所敢復

借辭之再三弗獲則掇拾其所聞于父師者
以告曰嗚呼道原于性于人具于聖人之六
經也者聖人修道之教而人所以為窮理
盡性明善誠身之學者也自性學既微六經
常為空言于天下凡師之所以授徒上之所
以士者亦徒曰明經而經反晦者千餘言
至宋兩程夫子始得聖學于遺經紫陽夫子
實嗣其傳其說經以詔于易于春秋于詩
皆手筆也于書于礼于樂則皆授其及門之

士而學庸論孟四書所以為治經之階梯者
又皆煥乎炳如無復遺憾夫然天下後世之
人知明經將以復性而足致夫体用一原隱
微無間之極功回視夫託空言以矜口耳釣
聲利于一時者其侮聖叛經六云甚矣嗟夫
六經明晦而世道之隆污繫焉洪惟我
朝一以明經用人養士而不雜以他道永樂
中又表章六經及程朱之書嘉惠學者
列聖倦思得真儒以佐化理經之明固有

日乎惟程朱之先皆出新安而朱子又婺源
也雲峯先生近私淑之其家學淵源既有所
從來而書院又昉于此乎復之為師為弟子
者其勿墮于俗學之陋為應世之資必窮理
明善以求經之明盡性誠身以求經之所以
明將見真儒復出于程朱之鄉淑其人以及
人躋斯世于唐虞三代為天下先則明經書
院之立為大有功于世教也豈不盛哉走鄉
之末學竊有慕于明經之風不敢不勉故輒

書之以附草廬先生之後既以自愧亦以自
幸云賜進士及第奉直大夫左春坊左諭德
同修國史經筵官兼太子講讀官郡人
程敏政撰

明經書院上梁文

戴晉翁

伏以聖經如行天之日月亘萬古以光明書
堂闡勝地之山川來羣英而教育此大學也
豈小補哉蓋吾儒之一脉自羲農來而斯文
之元氣與天地並或異端或百家衆技非仁

義正大之途如功利如記誦詞章之道德深
長之味恐入于彼出于此合揣其本澄其源
九流儒之最高其書用之不弊取之不竭萬
物理之最大惟經統之有宗會之有源浚崙
崙之河而流長垂中天之極而居拱子史集
皆其餘耳後今昔何以加諸稽古聖賢之傳
上下三千餘載惟茲文献之盛本支四五
百年初中大唐取士之科已掃西漢專門之習
功名凡葉必有先也道義深根惟其有之亦

既茂詩書之林益將麋朋友之澤當天之下
混一車同軌書同文行同倫宜學者之衆多
家有塾黨有序爰從兩山之間淑此
六豈六莩之外求之徃哲有待於來今春花
須斂于秋實天光半畝源頭之活水自來雲
出太虛雨後之青山更好倘皆明胡氏体用
之學真不負文公父母之邦立志要高窮理
要密要屏除客氣要收斂放心要通今而不
流要博古而不腐要以淳固慤寔之風而鎮

浮薄要自高明正大之域而入奧深要知之
行之不在多言要始是終是常如一日必如
是明經之志幸有此讀書之人惟我提學知
州朝列野水橫舟巨川作楫朝行三十里如
今皂蓋朱幡人物六一翁獨未蒼顏白髮極
知簿書期會之末無如礼樂教化之深一念
惟在斯民真是拊我畜我願我復我大書以
集群彥于烏飲之食之教之誨之而吾書堂
主人安國材猷傳家詩礼大丈夫肯為尋常

事業新精舍能立久遠規模誠心自捐于膏
田匾額不忘于鼻祖尊經為尚諸子百家之
不書義學宏開一椿五桂之齊美訓養無遠
無近經營必躬必親涉其流探其源採其實
咀其膏傳李氏讀書之脉中為堂旁為齋高
為亭深為室做武夷築室之規溪演迤以蒲
澄山迴環而秀拔千萬間廣廈能容多士第
一等好事肯讓他人方當雲集于青衿相與
日研于黃卷豈獨抱遺經而究終始俱期繼

絕學而開太平氣象一新歌聲六偉

東 拓開芳觸舊家風理義我心四書裏

乾坤元氣六經中

西 須認明經是本題歷：群書探閫奧

明：萬象問端倪

南 六經實學匪虛談知仁勇須行者一

天地人可立為三

北 六經畢竟先周易至前梅放悟先天

水底月圓參太極

上 詩文為末經為尚周程道統接千齡
李杜文章光萬丈

下 玉歸琢磨金歸冶造極其如古聖賢
明經方是真儒者

伏願上梁之後人材日富道化春長集深衣
大帶以徐趨言準繩行規矩明經義諸子之
急務小棟椽大棟梁收學問之極功而歸一
原提文章之正印以貽萬世予以彰六經四
書有用之學予以佐萬國一統無窮之基

賀雲峯先生歸教星源啓

胡敬存

共審命頌省闈位正儒宮芹泮生香獨為守
禮義之國杏壇振響奚必去父母之邦龍象
筵開鳶魚机轉竊以天下道為最大煥若日
星古人學必有師巋然山斗矧表儀乎學校
尤關係于綱常障百川迴狂瀾韓愈始無慚
于博士徒清夜動春酌鄭虔三奚取于廣文
就茲去取之是在左右也恭惟其官氣涵剛
大學造本源夏雲多奇峯舒卷滿懷之樂意

秋月照寒水光芒千古之道心洛下林泉日
惟玩易城頭燈火夜尚讀書伯魚常自適于
過庭淵明每不輕于出岫屬者錦屏轉曉綉
芥行秋謂紫陽夫子之鄉豈無遺老仰安定
先生之裔喜有聞孫敢攀孔席之春風入
布周庠之化兩狐狸蹄鱖鱉舞宮墻方尼于
羣陰希鳳躍蛟龍宇宙劃流于正氣六籍天
開而地闢諸霧滂以雲蒸觀聽維新氛埃一
洗然而尚有管蠡之見以陳琴瑟之間非曰

大言不無過計泛觀人物厭耆舊如家鷄但
喜功名視教化如芻狗欲敦末俗先藉多人
丕宣宗旨之精微盡掃異端之凡陋蓋天理
之昭終古不朽而人心之放有待而收大學
中庸藝知行之底藉經義治事全体用之工
夫溯周程有繼往聖之功念朱陸而成一家
之懿非特揭斯文之日月庶几回太古之軌
坤作新之餘指頽可俟此時仲尼周公之道
咸使北方以推尊他日玄齡如晦之勲端自

河汾而選出願堅晚節式副輿情其徒有斐
狂不知諱避少也未聞大道粗加鞭辟近裏
之功長而懶逐浮名惟抱周流憂世之心節
逢振鐸殊重彈冠欣希座之有宗願蠅鳴之
敢後他人不如同姓公母首箸盤之吟得賢
能立太平將促薇花省之召其諸依嚮罔既
敷宣

邦四書通題辭

張存中

恭定三年冬存中奉浙江提學提舉志行揚

先生命以胡先生四書通能刪纂疏集成之
所未是能彙纂疏集成之所未發大有功于
朱子深有益于後學委令賈付建寧路建陽
縣書坊刊印以廣其傳為此來茲書承志安
余君命工綉梓度越三稔始克就復以坊中
諸本四書校勘如集成標題經註善本改六
曰學之正之曰為田增莫春和煦之時詠歌
也之類皆好事者妄加增改今以纂疏通釋
集疏附錄為正庸學或問不敢分析恐失朱

夫子本意編附于章句通後又于集註字之
奇者增入釋文事之隱者附以通證先儒姓
字類而紀之庶初學之士亦便于考索云天
曆二年己巳秋八月壬辰新安後學張存中
書于余氏勤有堂

跋雲峯鄉賢祠記後

王仲儀

儀擯于春官退守鄉校草庭程公實序賓先
祠蓋議於此時朱君續郡志儀具二程子世
系上自儀同脩補遺闕秉筆者弗察未几儀

復代去事俱不就議者惜之此記引孔子殷
人孟子魯公族為證本原的稱草庭屢以為
屬敬謝不敏雲峯胡公能為草庭奮筆發鬱
識者莫不稱快也事苟誣巧飾不足以致信
苟信沉抑寥遠不湮荒垣廢墟寶藏夜發
去為國器更歲歷代人猶指其故處以為過
而踏躡萬一復冀矧我新安重以朱子乎此
記傳三十六峯遂與岱嶧爭高矣草庭此舉
誠不愧為二程遠孫云王儀識

孝善胡先謚議

俞洪

洪等敬按禮男子生而有字所以昭德死而有謚所以易名古之君子官于朝功績著則君賜之謚以表其平生所為之槩其肥遁於家以道私淑諸人則門人追而謚之不沒其寔其要在於可傳而已昔王通氏講道河汾其沒也門人以其合于易之黃裳元吉文在中也謚曰文中唐孟郊昌于詩者也亦謚貞曜至今議者不以為過先師勉齋先生行修

而道立學廣而識高杜門教授踰二十年安貧樂道始終不
者成就居多孟子曰大孝終身慕父母先生幼失怙恃而孺子之慕垂老益堅雖踰七十每對人言其先人遺事及朔望拜春秋祭祀必欷歔流涕不已由此觀之可謂孝矣易曰積善之家必有余慶先生嘗以積善二字書之座右其語洪等曰善只是一箇是字念之皆是而或一事之不是非積善也又嘗訓子炳文曰我老無

能然平生未嘗取一非義之財為一非理之
事死可無愧由此觀可謂善也洪芾合議請
謚曰孝善先生雖然此洪芾私議也先生平
日立身大節表々偉々上之人誠能得而用
之移其孝可以忠君推其善足以澤民斯孝
也斯善也不惟吾徒知也將一國天下皆知
之惜也先生之道不行而止于斯也豈天固
留之以昌其後耶洪芾幸而受業于門佩先
生之德不敢忘輒用倣古例而為之謚惟鄉

先生裁之謹議

孝善胡先生墓誌銘

戴表元

元貞己未歲冬十月十有七日徽州婺源考
川鄉先生胡公卒聞卒之日自公州里宗黨
知識若遠外學士大夫皆嗟嘆失聲以悲其
門人弟子俞洪芾一百十五人相與考次公
平生言德用古隱君子私謚例尊稱之為孝
善先生蓋公之世本出大唐李氏五季之亂
南來寄姓于考川之胡因籍焉曰昌翼以明

經中科八世至國子司業仲與同郡汪內翰
藻齋名元符太學所謂江南二賢者也弟侃
所著書有胡氏家寶棣華集存於家自是又
三世有以學行推擇為鄉校正於公為王父
四世有通五經尤精易撰易傳史纂號易簡
居士于公為父一門十餘葉細素相傳故徽
之他胡雖多聞家而獨考川之宗稱明經胡
氏公諱斗元字聲遠少孤師朱文公從孫小
翁受書說年十四始從小聞居士所授易學

刻意深遠日玩一文至七日則通六文循環
習之白首以為常三以此教其徒當貢舉法
行徽士橐楮筆起山林出與四方英俊爭進
趨往高捷鄉國每三歲上公成均有司不
足以知公至輒聞罷乃徑歸闔門養志以樂
然慕從之遊者遐迩如歸餐華茹實人可謂
碩儒嘗曰軋專言善坤兼言善不善軋之善
世吾無及已坤之積善吾庶几勉之早夜修
飾惧辱其先尤以不逮養為終身憾春秋朔

望拜祀像涕泣不能已堂隴時躬洒掃老不
避勞人謂年弥高而慕弥深者于公見之噫
嘻公誠可謂孝善也已年六十時忽語諸子
曰吾筋力覺衰遊人間世當可十餘稔願
考川吾念之不能一飯忘吾死汝輩我須不
遠考川至是論訣復屬諸子我家明經胡氏
子孫汝輩力學積善毋辱我享年七十有二
諸子以丙申秋九月十有七日葬公考川之
高倉太守涿鹿翟侯大書孝善先生之墓娶

魚氏子男三炳文煥文燦文女一孫男四孫
女四于是炳文以其鄉先生方使君回前進
士江雷胡次焱程龍之議與狀來丐銘曰
前進士剡源戴表元謹

呈雲峯先生上元堯花悞道歌 練伯珪
雲峯先生批 中二段模寫圖意殆盡凡
物理皆然汝勉思之

上元散步入堯湖忽見花開深自娛烟籠火
樹薰玉兔風送雪天 金烏異品昔何逋禁

苑孤芳誰許刺玄都無言自契先天秘有象
還藏太極圖君不見阿先蓓蕾未開時彷彿
九初可弄之葉兮始折儀象見萼兮既分卦
畫支露飲天根酣紫陌臬生月窟妬紅姿靜
翫中間來往意三十六宮春可知又不見生
氣渾然太極存陰陽動靜互為根色施朱粉
味甘苦歷：可指五行論葩含竒耦体方圓
昭：可識軋與坤更看枝頭千百顆那非萬
物盡還元况汝天儲五木精知應有道擅芳

名破臘雪肌堪與友凌波塵襪空盈：禪師
一見祇成幻雲臺擲樹何足驚對此徜徉清
興足敢歌吾道問高明弟伯理同受易雲峯
先生後隱德與堯湖
雙堯湖堯湖

雲峯胡先生附錄上 終

雲峯胡先生文集

附錄下

荅胡主簿浚書

吳澄

澄異時道經南劍訪延平李先生遺事往
得文字所不載世人所未聞者至于今欣
焉不忘新安朱子父母邦也百餘年間君子
之澤未斬或識其大或識其小應有足徵之
文獻常欲一至省想風流以起予高山景行
之思而未能也足下顯揚世美創建家塾遠

惠書札陳誼甚高此區之所樂聞然近年
所在增置書院不一初若可嘉要其成績卒
無可紀虛設其名而已足下其與尊叔父詳
慮審慶延礼名儒招集俊士精勤修習于其
中真實用功俾數年之後果有明經者出踐
今所言償今所志是乃無忝于先師有光于
先世而六區之所願見也記文就附汪簿
遣達謹此謝來施之辱所期于後非止如今
仲虎先生同此道達二閣下其留意不具

荅雲峯胡先生書

陳定宇

近齋心价者捧至數字披誦方知有八月半
之翰而未領隨即虔荅并索及四書發明四
小帙附齋心回便拜呈今不知已到未此月
望賓暘方逋示前翰連張累紙詳頌護厚雖
得流下而聽何以過之快甚快甚賜報諸作
姓名明經人才之盛足見師友淵源敬歎久
之王蔡初葺其名矣董季真以乃翁所編蔡
傳附錄纂疏來竭力與刪定補註內有蔡初

批定刪除處見其學識不凡因附書違蔡初
不蒙一字之荅想是季真匿之其說甚長他
日有會晤緣當及之拜問本義二條寫去之
後隨即悟文言乾九二夫子明有龍德正中
語已悟所疑之過今蒙詳教頓覺豁然以程
子中無不正及未濟九二證之了然矣朱子
曰九居二本非正以中故得正也此六易不
可為典要之一知正例而不知變例固不可
也揚厲六是過疑蒙批教詳明尤幸、朱子

曰無疑處却要有疑有疑又要無疑使我之
有疑得以無疑者先覺之賜也感刻感刻賜
報本義通釋外尊註著不一既未板行又難
盡供又賜報四書通旨之著前信將謂未成
書以今尊諭規之書成矣坊中四種附錄為
最纂疏多不滿人之意集註畫依樣葫蘆而
已不堪視覽故不得已而有發明之編今蒙
批諭謂纂疏集成多有差繆可謂先得我心
又報集成外添得數家六難得也大學有盧

玉溪通義最不易想亦在一家之內若夫杜
寔之學庸講義陸垣之木鍾集纂疏已畧取
之但未盡善爾前信欲拜觀通旨數十板欲
見規模大概

二

標昨賓暘行僭厓畧數行字以請茲領教墨
三復如侍典刑大概人之作文自是者多服
義者少非絕不服義也亦多有自知而不知
己之為非知人之不明而不知人之為是者

彼有一等私小之見橫于胸中耻己之失惟
恐勝己者又不論也此所以易于召鬧也二
三先生納之開闡中亦既拜命矣鉅帙六謹
以緘付來使前名外其餘不欲嚴于去之要
亦無以大相遠其雜排之以附于後唯命其
裁割不使太泛亦唯命至于銓次之問標管
蠡之見豈敢自以為是不契尊意處聽自高
下易置之更唯命秉超卓之見以持公論之
衡鎮喧囂之辭而立吾道之幟不能不于先

生有望焉。經疑前六篇，寔欲聞作者姓名，知其文不知其人，亦理所不可也。其餘諸經古賦前名俱乞于後，便中寵示前榜批教姓字，卷上多撰他名，或代名，不可以為據，敢乞介意。玉湖相公先生尊賜，皆出先生之吹噓，感戴感戴，已修謝書，并及之矣。回仲儀郡博一緘，併此附去，願指呈達為楮短。心悠未究，忤悞，惟高明鑒之，未見間更望珍蓄，以壽斯文，不宣。備。

上雲峯胡先生書

鄒季友 郵易

違去十稔，渴心生塵，迓者乃獲，趨拜函丈，款承語誨，抱道足德之氣，盎然充溢，見于動容周旋，發于口笑，警效飡和，飲醇使人意融，心醉所以沐浴粹溫，而銷鑠鄙吝者，所得亦宏矣。而後知瞻承之不數為可自憾也。近之不厭遠之，有望離逝未久，尊仰已深，古人云者里一士，犹言以肩，今環數十里間，能以道淑諸人者，落落不晨星如獨先生，歸然儒林中。

雪苑霜茂之榦膏馥沾溉陵莪菁、其有功
于斯文迨未易屈第二指也既壽且康每旦
必祝書傳者音釋極感訂正倘遂可傳先生
與有惠焉甲子配卦兩圖後一圖已蒙賜教
前一圖并錄示尤幸也

簡雲峯胡先生書

論筮

胡敬存

其前月庭芳戴兄介拙字以瑣事上溷聽司
計徹尊覽矣適玉湖總管公道過璫溪得諏
近履之詳其別也亟挈楮屏字蓋以易啓蒙

一疑就正于先生故也某比觀浮梁州賞試

題單策問易撰著掛扞之法云第一變得九
者三得五者一某以啓蒙攷之得五者三得
九者一耳又云六十四卦三百八十四爻用
九用六陰陽各居其半今老陽十二老陰六
是重三出而交一出聖人筮法或不然也愚
以啓蒙證之切謂陰陽各半通六十四卦而
言聖人作易法也老陽十二老陰六指筮法
陰陽饒乏而言聖人用易法也與聖人筮法

何不然之有謂其不然愚不敢以為然也定
字先生因其謬誤作字付哀卷人間之局中
荅云所問者掛劫之數非揲著之法審如此
則揲著掛劫果二事耳異端惑人可為一慨
先生邃于易者也註書以惠後學守正以關
邪途素矣茲抄問目全文拜呈乞賜批教亦
正人心之一端也玉湖回千萬賜以尊報幸
甚冬杪拱俟回轅專罔侍省秋暑切丐金
玉体府以棟吾道不脩

二

某故臘知尊車自金陵回取經鄉曲越一日
有傳似寄聲者先弗克候繼莫及追我知罪
矣如此慙負何今春念欲進侍一洗積別之
懷而出門若礙惟勤尊嚮而已夏初洪叟兄
來瑞溪捧示教翰拜讀如見典刑之為快坐
間詳詢尊履知今年為江浙諸貴遊書聘先
生平生躬行都是易又以胸中所流出者著
為成書公傳道之不一出琅玕講鐸宣布于

其從而至顯諸用將何施哉其恨不得雪立
諸生後茲有取覆休陽戴兄庭芳近得其先
君之墓銘于中朝諸老遠邇多賦些章然于
我州獨未求尊製日為欠事今納銘文一本
解呈蓋庭芳為子西公甥子而某又與為文
字交故敢斗膽以進揮老筆發幽光正孝子
順孫所望于大人君子者稱勿多遜稱隱汪
府判為庭芳岳丈昨為其致書于北邙山村
二先生得詩甚佳然錢塘詩名家不止是併

去四本上千鼎呂一轉而多辨之至願至願
庭芳以未拜臯不敢奉書就有微儀申納甚
覺竇尊尚謀專緘導謝敬也去价葉氏于抗
市作小經營有半月留其回也已囑其求賜
尊報切告矜從如某拜德惠不淺謹此申覆
惟冀節宣為斯文自玉不脩

送胡雲峯赴道一書院山長詩

方虛谷

蓋輿上下立乾坤眼底無人可與論分教不
難升地位絲毫未易見天原因重文字窮義

畫速肖生後半孔門斗食泮池何足晚悔庵
異姓要雲孫

二

近沿閩洛至軋淳遠探義園朱晝真自古斯
文原有種即今所學不無人轉移鷄泮希聲
起判斷鸞湖正論伸魯國諸生仕隣國變齊
同囿杏壇春道一書院乃廣信程月岩先生
以合朱陸二家之說故虛谷云然

寄明經書院山長雲峯詩

唐筠軒

雲峯揮塵冠蓋集安國養士庖厨香福田祇

為孔孟種易蘊畫發程朱光駿奔孝孫酒灌

地焠蒿盛氣神歸鄉白駒容谷仰前哲有客

來自春風堂金陵明道書院有春風

送雲峯歸婺源詩 方虛谷

大儒疇昔起軋淳天地星源一脉真肯使我

為修學記始知君是讀書人流泉要驗胸中

活死草無拘紙上陳太極初生第一點尋根

細認古今春雲峯古修嘗求虛

四書通序

鄧文原

四書之學初表章于河南二程先生而大闡明于考亭朱子善讀者先本諸經而次及先儒論著又次致求夫子取舍之說可與言學矣然習其讀而終莫會其意猶為未善也纂疏集成博采諸儒之言已慮數十百家使學者而無所折衷予竊病焉近世為囿為書者益衆大抵于先儒論著及朱夫子取舍之說未有所通而遽為臆說以徇于世予嘗以為

昔之學者常患其不如古人今之學者常患其不勝古人求勝古人而卒以不如予不知其可也今新安雲峯胡先生之為四書通也盛取纂疏集成之疾于朱子者刪而去之有所裁揮者則附已說于後如譜昭穆以正百世不遷之宗不使小宗得後大宗者惧其亂也漢世定論經傳于白帟閣因名曰白帟通漢末封司馬遷後為史通之為義尚矣若夫習其讀而會其意此又學者之事庶無負

先生名書之旨云泰定三年良月朔旦巴西
鄧文原叙

純正蒙求序

文天祐

易之蒙曰蒙以養正聖功也伊川釋之曰養
正于蒙學之至善者也蓋物莫美于蒙莫
貴于養莫大于正曰蒙亨未有蒙而不亨
者也曰童蒙之吉未有童蒙而不吉者也蒙
者童子之初樂子之無知樂其蒙也樂子之
無家樂童蒙也童則有知矣有知則求所以

養之矣養也者不揠苗助長者也養而正者
不以粮莠害嘉穀者也瀆則不告所謂憤悱
啟發者養也利貞所謂非礼勿視聽言動者
也養而正者也養而正蒙其聖矣乎雲峯胡
君以純正名其蒙養之書會為三條倣鹿洞
之規釐為三百六十六句象歲功之成旁搜
博采綱舉目張非苟然者矣予識胡君金明
而玉粹行懿而文華于繇之利貞豕之養正
固已允蹈之則于初之發蒙上之擊蒙何齟

語之有是書也有益於人心之書也豈直四
言韻語而已哉予竊怪近世童子能言者其
父母師長多授以長歌短韻琵琶行之類徒取
于便于佔畢耳不知淫詞諛行入耳著心如
腥穢羶惡之物沉著污膩于腸胃間使夫人
自壯至老顛倒汨沒于飲食牝牡之區而不
知悟蓋所以啟之誨之者久矣不正之書其
禍人心也孰大焉吾故曰胡君此書有益於
人心之書也丙戌孟夏十有八日廬山文天

祐書于星源客舍

純正蒙求序

吳遜齋

古者聖人教人設司徒典樂之官王宮國都
家塾術序莫不有學人生八歲入小學教人
以洒掃應對進退之節禮樂射御書數之文
其為教至詳也禮經所載况已闕遺至後世
則大謬方當佩觿之年父師所以教之者不
過對偶聲律之習所以期之者不過科舉利
達之事下種不嘉受胎不正已在斯時拱把

之不養安得桐梓之可受萌蘖之不護安得
牛山之不濯、耶無怪乎學術日陋人才日
卑風俗日不古也蒙求之書先儒為之者凡
數家矣吾邑雲峯胡君又集古今嘉言善行
為一篇名曰養正蒙求彷彿文公小學書之
遺意雖其綱不出明倫立身接物三者而蒐
萃之力勤矣所以為蒙養作聖之功宏矣予
閱之累日曰說稽古至三萬言不若作此編
記道傍碑不失一字不若誦此編世之勛於

著書者多矣未若此書有益于世教云

書雲峯明經書院壁記後 胡梅岩

江聖澤妙齡劬書受學于吾家雲峯日取前
輩嘉言善行揭于壁代東西銘積久頗多葺
為壁記難兄古修先生引易大畜序其首節
初齋先生從而申之聖澤復徵予說迺掇拾
兩先生之遺作大畜演義曰言行固貴多識
然必以其德始不徒識前言雖嘉聊資口耳
之空談往行固善祇為墻壁之美觀于吾德

何有德者得也謂其得于心也識而未得猶
外物尔多識以知言畜德以行言知行互進
學之上也壁記取載知一字行一字必如是
始無愧于大畜又分二卦論之上卦艮也下
卦乾也聚下非知乎居行非行乎而所知所
行皆求止乎至善仁敬慈孝信其良之止其
所者乎必如是始無愧于大畜又即互卦論
之下互為兌上互為震朋友講習以致其知
恐懼修省以力其行必如是始無愧于大畜

又即卦序論之先之以無妄而知行無虛浮
之弊所畜皆萬寶繼之以頤而知行有涵養
之功取畜愈深厚必如是始無愧于大畜又
以卦變論之大畜自遯來遯何時也遯于戰
國孟荀子自畜學遯于秦孔叢子自畜學遯
新揚自畜學遯于隋文中子自畜學不以
天山遯之時而輟山天太畜之功斯文所以
千載一日也噫亦在知而行之耳既以是復
聖澤竊與雲峯共勉焉甲申陽至後十日朔

胡次處濟昂敬書

重芳集序

陳音

雲峯胡先生仲希家^新安之婺源宋季講明道
學以續考亭遺緒四方學士多受教于其門
時族子浚為請于朝建明經書院且與其弟
澄皆捐田以膳學徒舊嘗鑿池于來山之陽
作亭其上所居之藥水為橋以利病涉當時
著書多而積書富雲峯峯文集凡二十卷其
事具載于家乘及圖籍可考元季驛騷書院

厄于兵燹故址膳田皆為異姓所有池亭榛
莽橋亦傾圮而書帙遺文皆散逸弗存七世
孫用光有志興復未克就而卒成化辛丑其
子邑庠生德淵乃具書院顛末白于當道檄
有司為之昂建又明年癸卯德淵領京闈鄉
薦有司旌以綽楔扁曰重芳以其能濟美先
世而名之也昔之膳田見據于他姓者德淵
皆以義敦諭而漸以來歸而又疏池作亭闢
道成橋皆復于其故處翼翼然具饒宛若雲

峯之復在于當時也廣詢博訪凡先世書帙
散在諸家者皆懇購以還雲峯遺文自用光
時隨見隨錄至是凡得百五十餘篇德淵質
諸有道正其訛舛以白其縣侯為之鈔梓行
世于其家乘則續修之以脩其所未脩嗚呼
德淵之用心于其先世可謂勤矣其友汪廷
信王希仁輩采其興復事蹟分為八題為徵
詩以褒其勤目曰重芳集蓋亦因其緝楔之
奮名而表揚之詩彙次成帙持謂予作序惟

自古貴室豪門第宅田園之美臺榭池亭之
勝書畫器什之殷俄頃間轉移于他姓其子
孫不能自有者曷可勝紀今雲峯之遺址故
業書帙遺文轉散于人歷百有餘年而皆克
復之以歸于其胤蓋其道化之盛足以動人
人慕其風自有不忍據之蓋視夫徒豪貴而
人易忘者大不相侔故其散無不復然非其
子孫用心之勤則亦莫由復而得之也德淵
可以為人子孫之楷範矣然此時復其有形

者耳若其道化之隱于無形者子孫苟能復之體諸心身見諸行事則施無不達動無不化天下後世所以景仰之者豈異于今日之景仰乎雲峯哉此則孝道之大而无不可以不復者德淵尚語其族人與偕勉之
弘治元年歲次戊申夏六月朔
賜進士出身中憲大夫南京太常寺少卿前翰林侍講經筵官兼修國史莆田陳音序

書胡雲峯先生文集後

元皇慶延祐間婺源胡雲峯先生以道德著述鳴東南若饒郡朱氏公遷同郡陳氏定宇同邑汪氏古逸皆推尊為道德友蓋自考亭之後餘于饒魯之學多叛其說右左私泚伐舛訂

訛若先生輩功寔居多臨川吳文正
公嘗以是稱之遣其高弟以求至當
歸一之論先生沒其裔孫用光始哀
其遺文若干卷上之後經市火板刻
亡矣歎自早歲嘗嚮慕之比來守徽
乃先生桑梓之鄉雖未得肅瞻祠下

憐以訪求遺文為念適先生嫡孫
濬解崇陽令去典惠郡教事始取其
家藏本命知縣盧縉刻嗚呼先生道
德垂諸簡冊功業著于書院教化播
于天下後而游戲翰墨之文師友應
酬之作與夫大儒君子之所贈貽者

不得與性理四書並行於世非闕典
款有志之士取而讀之因其言語文
字之間考其師友淵源之所自則考
亭之墜緒可尋而斯道不為空言於
天下矣然則編也豈容以才人韻士
之文例視之哉因贅教語於末簡

洪武丁卯夏五月端陽

賜進士中憲大夫徽州府知府前監
察御史博羅何歆書

